

Bosna i Hercegovina
Federacija Bosne i Hercegovine
Hercegovačko-neretvanski kanton
Javna ustanova
„Druga osnovna škola“, Konjic



Bosnia and Herzegovina
Federation of Bosnia and Herzegovina
Herzegovina-Neretva canton
The Public Primary School in Konjic
„Druga osnovna škola“

Konjic, Musala br.1; tel:036/726-192; tel./fax:036/735-780; e-mail: drugaosnovnaskola@bih.net.ba

Javna ustanova „Druga osnovna škola“ Konjic, sa sjedištem u Konjicu, ulica Musala 1,
ID broj: 4227321960005 (u daljem tekstu: Naručilac posla), koju zastupa direktorica škole
Munevera Tinjak (u daljem tekstu kupac/Naručilac)

I

IMTEC d.o.o. Sarajevo – Poslovna jedinica br. 4, Ilijaš Bosanski put bb 71380 Ilijaš

Identifikacijski broj: 4200918780002

PDV broj: 200918780002

Sparkasse: 1990490006379252

Kojeg zastupa: Safija Hadžić (u daljem tekstu Dobavljač)

Zaključili su dana 3.10.2022. godine

UGOVOR - DIREKTNI SPORAZUM

O nabavci roba: elektronska tabla

Član 1.

Ovim Ugovorom uređuju se međusobna prava i obaveze između ugovornog organa s jedne strane i dobavljača s druge strane za robu elektronska tabla u postupku direktnog sporazuma.

I PREDMET UGOVORA

Član 2.

Predmet ovog Ugovora je nabavka elektronske table koju će Dobavljač dobiti Kupcu u skladu s odredbama ovog Ugovora i sljedećim dokumentima koji čine sastavni dio ovog Ugovora u obliku njegovih priloga i to:

- ponuda broj: 03189/22-2 od 20.9.2022. godine koja je dostavljena za postupak nabavke direktnim sporazumom.

II CIJENA

Član 3.

Cijena koju će Kupac isplatiti Dobavljaču za robu iz člana 2. Ugovora iznosi:

- Cijena bez PDV-a: 3.622,36 KM (trihiljadešeststotinadvadesetdvije 36/100 konvertibilne marke)
- Porez na dodatnu vrijednost (PDV 17%) 615.80 KM
- Ukupna vrijednost/cijena s PDV-om: 4.238,16 KM

III USLOVI I NAČIN PLAĆANJA

Član 4.

Plaćanje će se izvršiti u roku od 15 (petnaest) dana od dana zaprimanja računa za stvarno isporučenu robu.

Troškovi prevoza robe na adresu Kupca uračunati su u ukupnoj cijeni iz člana 3.

Plaćanje će se izvršiti na žiro račun Dobavljača. Kupac ne prihvata avansno plaćanje i traženje sredstava osiguranja plaćanja. Ukupna plaćanja bez PDV-a na temelju sklopljenog Ugovora ne smiju prelaziti procijenjenu vrijednost nabavke.

Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza. U suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostavno unese u fakture ne obavezuju Kupca ni kada je fakturu primio, a nije joj prigovorio.

IV ROK ISPORUKE

Član 5.

Rok isporuke ukupno ugovorene i specificirane količine robe, kao pripadajućih usluga iz člana 2 ovog Ugovora je 30 (trideset dana) od datuma obostranog potpisivanja ovog Ugovora. Pod isporukom se podrazumijevaju sve potrebne radnje koje je Dobavljač dužan obaviti prema Ugovoru i prirodi posla da bi Kupac mogao primiti isporuku.

Mjesto izvršenja obaveza Dobavljača je isporuka robe na adresu Javne ustanove „Druga osnovna škola“ Konjic PŠ Bradina.

Kupac se obavezuje isplatiti cijenu i preuzeti isporuku robe kako je predviđeno ovim Ugovorom. Kupčeva obaveza preuzimanja isporuke općenito se sastoji u obavljanju svih radnji koja se razumno od njega očekuje da bi se omogućilo Dobavljaču izvršiti isporuku i u preuzimanju robe.

Do isporuke/predaje robe Kupcu (do dana obostranog potpisivanja zapisnika o kvantitativnom prijemu robe bez primjedbi) rizik slučajne propasti ili oštećenja opreme snosi Dobavljač, a s isporukom /predajom robe rizik prelazi na Kupca. Rizik ne prelazi na kupca ako je isti zbog nekog nedostatka isporučene/predate opreme raskinuo Ugovor ili tražio zamjenu opreme.

Usluge iz člana 2. Ugovora Dobavljač je obavezan izvršiti u skladu sa specifikacijom, uslovima, lokacijom dostave u ponudi Dobavljača.

Dobavljač je dužan da o svom trošku ugovorenu robu osigura od uobičajnih rizika. Dobavljač vrši osiguranje do momenta prelaska rizika u skladu s ovim Ugovorom, a Kupac od tog momenta.

Roba koja je predmet ovog Ugovora i koju će dobavljač isporučiti Kupcu prema ovom Ugovoru bit će upakovana u neotvorenoj ambalaži od originalnog proizvođača uz označavanje pakovanja na propisan način.

Dobavljač će zapakovati opremu tako da može izdržati transport, manipulaciju i eventualno skladištenje u razumnom vremenskom roku.

V ODGOVORNOST ZA MATERIJALNE NEDOSTATKE

Član 6.

Dobavljač odgovara za materijalne nedostatke robe koje je ona imala u času prelaska rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koje se pojave nakon prelaska rizika na Kupca ako su posljedica uzroka koji je postojao prije toga.

VI UGOVORNA KAZNA, ZATEZNA KAMATA

Član 7.

U slučaju kašnjenja u isporuci robe Kupac će zaračunati i naplatiti Dobavljaču na ime ugovorne kazne 1% za svaki dan zakašnjenja s tim da ne može prijeći iznos od 5% ukupne vrijednosti ugovora.

Kupac ne može zahtijevati ugovornu kaznu ako je primio ispunjene obaveze, a nije bez odlaganja pismeno saopštio Dobavljaču da zadržava pravo na ugovornu kaznu.

Na zakašnjela plaćanja Dobavljač će zaračunati Kupcu zatezne kamate prema primljenom/pozitivnom propisu.

VII STUPANJE UGOVORA NA SNAGU

Član 8.

Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toga roka.

VIII PRIMJENA ZAKONA O OBLIGACIONIM ODNOSIMA

Član 9.

Ugovorne strane su saglasne s primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Ugovora, a koji nastanu u vezi i povodom izvršenja ovog Ugovora.

IX RJEŠAVANJE SPOROVA

Član 10.

Sve eventualne sporove i nesporazume koji bi mogli nastati iz ovog Ugovora ili povodom ovog Ugovora, ugovorne strane će pokušati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana Ugovora nadležan je sud u Konjicu, Bosna i Hercegovina uz primjenu pozitivnog prava Bosne i Hercegovine.

Član 11.

Izmjene i dopune ovog Ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene koji su sačinili sporazumno u pisanoj formi. Ovaj Ugovor stupa na snagu danom potpisivanja od strane ovlaštenih lica ugovornih strana.

Član 12.

Ovaj Ugovor je sačinjen u 4 (četiri) primjerka od kojih Naručilac zadržava dva (2), a Dobavljač dva (2) primjerka.

Naručilac:

Broj: 1911/22

Konjic, 3.10.2022. g.

Javna ustanova „Druga osnovna škola“

Munevera Tinjak, direktorica

Dobavljač: IMTEC d.o.o. Sarajevo

Broj: 2834A/22

Ilijaš, 8.10.2022.g.

IMTEC d.o.o. Sarajevo

Safija Hadžić, direktorica